



## Publicaziuns dalla vischnaunca, jamna 24

### Damondas da baghegiar

**Nr. 2011-1040**

**Datum da publicaziun:** ils 17 da zercladur 2011

**Il patrun:** Fundaziun Casa da tgira Sursassiala, Via Cons 2, 7180 Disentis/Mustér

**Il representant:** Cumissiun da baghegiar, Fundaziun Casa da tgira Sursassiala, Via Cons 2, 7180 Disentis/Mustér

**Object:** Nova casa da tgira (spazzar parzialmein cun construcziun nova), parcella 962, Via Cons 11, 7180 Disentis/Mustér

**Nr. 2011-1041**

**Datum da publicaziun:** ils 17 da zercladur 2011

**Il patrun:** Anton Columberg-Van den Heuvel, Via Clis 23, 7180 Disentis/Mustér

**Il representant:** Suntechnics Fabrisolar AG, Untere Heslibachstrasse 39, 8700 Turitg

**Object:** Indrez fotovoltaic sin tetg dalla stalla e dil baghetg annex, parcella nr. 540, Caschuarz, 7180 Disentis/Mustér.

**Nr. 2011-1042**

**Datum da publicaziun:** ils 17 da zercladur 2011

**Il patrun:** Giusep Duff-Caduff, Via Faltscharidas 3, 7180 Disentis/Mustér

**Il representant:** Maissen architectura ed immobilias SA, Via Alpsu 8, 7180 Disentis/Mustér

**Object:** Garascha nova e niev corridor denter bargia e local da tecnica, parcella 1732, Via Faltscharidas 3, 7180 Disentis/Mustér.

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 14-6-2011

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

**Nr. 2011-1018**

Societad da baghegiar BGS .Fraissen., c/o Procura Treuhand AG, Quaderstrasse 7, 7000 Cuera; casa nova da pliras habitaziuns cun suttetg per vehichels, parcella 1240, Via Plauncas 11, 7180 Disentis/Mustér.

**Nr. 2011-1032**

Theo Venzin-Wilhelm, Via Davos-Mustér 8, 7180 Disentis/Mustér; sanaziun interna dalla casa e construcziun (engrondaziun) d'ina terrassa, parcella 858, Via Davos-Mustér 8, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 14-6-2011

*Uffeci da baghegiar Disentis/Mustér*



### Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziat suandont project:

**Nr. 2011-2051**

Daniel Manetsch-Decurtins, Via da Scola 20, 7180 Disentis/Mustér; construir ina suschna pil begl, parcella 2358, Caischavedra, 7182 Cavardiras.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 14-6-2011  
*Uffeci da baghegiar Disentis/Mustér*

---

### Administraziun communal

Sur Sontgilcrest ei l'administraziun communal serrada

**naven da mesjamna, ils 22 da zercladur 2011 allas 17.00**  
**entochen venderdis, ils 24 da zercladur 2011 allas 9.00.**

*Administraziun communal Disentis/Mustér*

---

### Cussegl da vischnaunca

Il cussegl da vischnaunca seraduna **venderdis, ils 17 da zercladur 2011 allas 20.15** en halla Cons ad ina seduta.

Tractandas:

1. Protocol nr. 18-2009/2012
2. Turissem: Collaboraziun regiunala e refuorma dallas structuradas (referents: Marcel Friberg, Stefan Hantke, Rita Huonder-Tenner)
3. Plan da finanzas 2012–2016 (messadi nr. 27-2009/2012)
4. Postulat pertuccont survetsch d'unviern – passapeis: Risposta dalla suprastanza communal (P 2-2009/2012)
5. Postulat davart in studi da factibilitad (Machbarkeitsstudie) pertuccont ina colligiaziun dils uclauns Segnas–Acletta–Clavaniev cun ina via per promover l'attractivitat e la mobilitad dils uclauns sco era ina punt pendent per spassegiar denter Ragischs e Pignola: Risposta dalla suprastanza communal (P 3-2009/2012)

*La presidenta dil cussegl da vischnaunca*

---

### Concept davart las surfatschas da cumpensaziun ecologicas

Dacuort ha la suprastanza communal decidiu da realisar per la vischnaunca da Mustér in concept davart las surfatschas da cumpensaziun ecologicas. Ils resultats dil concept vegnan silsuentur duvrai per fixar las indemnisaziuns als cultivaders da terren. L'incarica ei vegnida surdada al biro Atragene cun ils collaboraturs Daniela Lemp e Peter Weidmann da Cuera.



Las lavurs ein previdas el decuors dalla primavera e stad 2011. Sin fundament dalla schitgira eis ei pusseivel che certas lavurs vegnan anticipadas sin in auter onn. El decuors digl unviern vegnan ils cultivaders da terren orientai davart ils resultats dallas lavurs.

Nus supplichein la populaziun da prender enconuschientscha.

*Suprastonza communal*

---

### **Inscrizziuns**

Adina puspei constatein nus ch'inscripziuns e tablas da reclama corrispundan buca allas prescripziuns dil reglament davart il lungatg official communal e las prescripziuns da baghegiar.

Tenor art. 7 dil reglament davart il lungatg official communal ston inscripziuns drizzadas alla publicitad e reclamas stablas, che pretendan ina lubientscha communal, esser romontschas. Cun quella formulaziun han las autoritads encuretg slihaziuns per mantener la fatscha romontscha da nosa vischaunca, quei che vegn era apprezziau da nos hosps.

Nus supplichein perquei da risguardar per tablas ed inderzs da reclama las prescripziuns davart il diever dil lungatg official communal. Bien engraziament per la collaboraziun.

*Suprastonza communal Disentis/Mustér*

---

### **Aboliziun dil scamond absolut da far fiug dils 25 da matg 2011**

La plievgia dils davos dis sco era la reducziun marcanta dalla temperatura han sluccau il prighel da fiug. Naven d'immediat ei perquei il scamond absolut da far fiug el Grischun abolius.

Bien engraziament per Vies bien cumpurtament durant la perioda da grond prighel da fiug.

*Suprastonza communal*

---

### **Controlla da habitonts**

#### ***Mortori***

**Fidel Deflorin-Huonder**, naschius ils 12-10-1914, morts ils 11-6-2011.

---

### **Bus local da stad**

Legreivlamein vegn purschii era questa stad il survetsch dil bus local. Durant ils meins da stad ed atun (11-6 – 23-10-2011) cursescha il bus naven dalla staziun tiel campadi a Fontanivas entochen ad Acletta. Da niev ei era vegniu endrizzau ina fermada avon la Sennaria a Salaplauna. Grazia al susteniment finanziel dils menaschis d'albiert e restauraziun, dallas Pendicularas Mustér, dallas fatschentas sco era dalla vischnaunca ei quella purschida gratuita.

**Contact:** Sedrun Mustér Turissem, Via Alpsu 2, 7180 Disentis/Mustér, 081 920 30 20



### Onn da scola 2011/12

Preziai geniturs ed affons

Ils uraris da scola ed igl urari dils transports per il proxim onn da scola 2011/12 ein d'anflar naven d'immediat sin nossa nova homepage dalla scola ([www.scoladisentis.ch](http://www.scoladisentis.ch)).

En num dil cussegl da scola e dil cerchel scolastic engrazieli a Vus per la buna collaboraziun duront igl onn da scola che va alla fin e giavischel a Vus tuts bialas vacanzas da stad.

*Kai Hinrichsen, meinascola*

---

### Cussegl pastoral/cerchel liturgic

Nus envidein nossas senioras e nos seniors da vegnir cun nus sin viadi

**gievgia, ils 30 da zercladur 2011.**

Nossa destinaziun: **Bad Ragaz–Pf.fers–V.ttis.**

Nus visitein la baselgia dall'anteriura claustra da benedictins a Pfefers. Annunziat ein da far entochen ils 25 da zercladur cun pagar frs. 60.– tier la banca Raiffeisen Mustér, nua che Vus survegnis era il program detagliau.

Nus selegrein da far quei viadi cun Vus.

---

### Apparats d'udida

**Gliendisdis, ils 27 da zercladur 2011 denter las 14.00 e las 16.00** saveis Vus schar schubergiar e regular Vies apparat d'udida en Casa da tgira Sursassiala. L'uniun Pro Audio Chur, cun signur Arthur Jacomet fa quei survetsch per tuts interessents gratuitamein.

**Liug:** Casa da tgira Sursassiala, stiva da schiember.

*Cordiala invitaziun Casa da tgira Sursassiala*

---

### Uniun da Kneipp Surselva

Excursiun da jarvas naven dil Pass Alpsu–Tschamut

Mira sut Cadi.

---

### Ludoteca Mustér

Liug/Ort: Halla Cons, tel. 076 494 39 92  
e-mail: ludoteca@disentis.ch

*Uras d'avertura / Öffnungszeiten:*  
Gliendisdis/Montag: 18.30–20.00  
Gievgia/Donnerstag: 16.00–17.30  
Venderdis/Freitag: 18.30–20.00



### **Biblioteca populara Mustér**

**Liug:** Casa da scola, tel. 081 947 52 90, [biblioteca@disentis.ch](mailto:biblioteca@disentis.ch)

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

*La biblioteca ei aviarta:*

*Gliendisdis 18.30–20.00*

*Mardis 13.30–15.00*

*Gievgia 16.00–17.30*

*Venderdis 18.30–20.00*

Nies motto: Leger . . . tedlar . . . mirar . . . !

Nus selegrein da mintga viseta.

*Biblioteca populara Mustér*